

Анна Павловна Неркаги

Мӓшйа ут нӓмӓп путӓр шӓп

Неҗийӓн Тӓт имӓн пӓла кӓрӓл пӓрмӓс па ил хӓщ рохӓемӓс. Тӓп ин немӓлт
ӓн лупман йира мӓнты – щит лӓвӓл ӓн хӓлты, ӓнт эвӓлты. Сем павтӓс ратӓл
пӓла. Най аҗкӓн вер пӓта нух ӓлты щит шай кавӓрты тӓт хӓн пунты...

Сорӓм нӓвӓт имухты тӓтӓн аҗемӓсийӓт. Айӓлта, ӓнт термалӓман имийӓн
ващ ӓҗхи йӓхӓн тӓтӓл пунсалӓ. Кӓрӓщ тӓт и сыйӓн мӓремӓс. Щив пӓсӓмтӓм
йошӓл шанш ӓхтыйа пунсалӓ. Ин имӓн щи тӓхийа омсӓс хульща вӓлӓпсӓл
олҗитсӓлӓ, хута, пурайӓл йухӓттыйӓн, нӓптӓл щив сухӓнӓл.

– Йасӓҗ тайлӓм, – айӓлта лупӓс. Тӓп така лупӓс, вӓйман, лӓв нӓмӓсты
щирӓл па ӓнтӓ.

– Йухи хӓщӓм пӓш ма нӓҗты вӓщӓтсем. Ма йошӓлӓм нӓҗӓн хойилӓм тӓм,
мӓнтты па семӓн павтылӓ...

Ухӓл нух ӓнт аҗмман, тӓп веншӓл тӓт нувийӓн па хошӓмӓн йухӓтса,
нумсӓл лӓрпийӓс, имийӓн йасӓлӓ йӓллы тӓслӓ:

– Сем йиҗкем нӓҗ веншӓна па ӓн посыйӓл. Па неҗийӓ йошӓн нӓҗ лавӓлты
питлайӓн. Ма щи пӓта тӓта... щи пӓта тӓп хӓн, – термат па вӓрӓн ӓӓхмӓс па па
щирӓн омсӓс. Лӓв шанш ух пӓтыйа омсӓс, ухӓл па иллышӓк ӓсӓлсӓлӓ. Лӓв Най
аҗкийа муйӓн тӓлы.

– Ма нӓҗӓн ух пунлӓм.

(Перевод на казымский диалект Федоркив Л.А.)